

## «Բնօգտագործման տնտեսագիտություն» մագիստրոսական ծրագիր

### *Ընդհանուր տեղեկություն*

«Բնօգտագործման տնտեսագիտություն» /Environmental economics/ մագիստրոսական կրթական ծրագիրը նպատակաուղղված է շրջակա միջավայրի պահպանության ոլորտում գործնական կարողությունների ձևավորմանը: Ծրագրի նպատակներ են.

- պատրաստել որակյալ մասնագետների բարձրագույն կրթության մագիստրոսական համակարգում շրջակա միջավայրի պահպանության ուղղությամբ,
- համապատասխանեցնել ծավալված կրթական գործընթացի և մասնագետների պատրաստման որակական ցուցանիշները եվրոպական ստանդարտներին և համընդհանուր կրթական չափանիշներին,
- նպաստել եվրոպական կրթական համակարգին ինտեգրման և «Բնօգտագործման տնտեսագիտության» ուղղությամբ նոր սերնդի մասնագետների պատրաստման գործընթացին:

Շրջանավարտին շնորհվում է «Տնտեսագիտության մագիստրոս» որակավորում: Ծրագիրը մշակվել է բնապահպանության ոլորտի մասնագետների ակտիվ մասնակցությամբ և միտված է ոլորտի լավագույն փորձի ներդաշնակեցմանը:

Ծրագրի տևողությունը 2 տարի է, դասապրոցեսը նախատեսվում է իրականացնել շաբաթական երեք անգամ:

Մասնագիտական դասընթացներին զուգահեռ մագիստրոսը համապատասխան փորձառություն պետք է անցնի բնապահպանության ոլորտի կառավարման օղակներում և ձեռնարկություններում՝ որի ընթացքում հնարավորություն կստանա գործնականում կիրառել ստացված տեսական գիտելիքները և հմտությունները:

Ծրագրի շրջանակներում որպես դասախոսներ ներգրավվում են բնապահպանության ոլորտի /բնապահպանական և սոցիալական ռիսկերի կառավարման, ժամանակակից բնապահպանական տեղեկատվական տեխնոլոգիաների /GIS/, ընդերքօգտագործման և ԱՃԹՆ, ջրային ռեսուրսների, անտառային ռեսուրսների, կենսաբազմազանության, կլիմայի փոփոխության, կայուն զարգացման/ լավագույն մասնագետները և փորձագետները: Ակնկալվում է նաև միջազգային հայտնի կազմակերպություններից /ARCHIDUTCH և այլն/ հրավիրյալ դասախոսների ներգրավում, ինչպես նաև՝ ուսանողների մասնակցություն ոլորտի բազմաբնույթ միջոցառումներին, այդ թվում տեղական և միջազգային բնապահպանական ֆորումներին: 2020-2021 ուստարվանից սկսած՝ ուսումնառության ժամանակ ուսանողները հնարավորություն կունենան օգտվել ՀՊՏՀ-ում առկա և հանրապետությունում լավագույն GIS լաբորատորիայից, բացի ՀՊՏՀ ենթակառուցվածքներից, կօգտագործվեն նաև շրջակա միջավայրի

նախարարության և կից կառույցների ռեսուրսներին:

Ուսման վճարը մեկ տարվա համար 520 000 ՀՀ դրամ է: Ծրագրի տևողությունը 2 տարի է, ամբողջ ծրագրի տևողության արժեքը կազմում է 1040 000 ՀՀ դրամ:

### ***Մասնագիտության նկարագիր***

«Բնօգտագործան տնտեսագիտությունը» 2 տարի տևողությամբ մագիստրոսական կրթական ծրագիր է, որը կողմնորոշված է պատրաստել համապատասխան գիտելիքներով, կարողություններով և հմտություններով օժտված մասնագետների, որոնք

- կկարողանան լուծել տեղական, ազգային, տարածաշրջանային և գլոբալ մակարդակներում շրջակա միջավայրի պահպանության և բնօգտագործման խնդիրները,
- կկարողանան իրականացնել տնտեսական գործունեության նախագծերի բնապահպանական փորձաքննություն,
- կկարողանան կիրառել էկոլոգիական ապահովագրությունը, որպես շրջակա միջավայրի ռիսկերի կառավարման գործիք
- կկարողանան շրջակա միջավայրի կառավարման ժամանակակից գործիքները կիրառել ՀՀ ջրային, ընդերքօգտագործման, անտառային, մթնոլորտային օդի, թափոնների կառավարման ոլորտներում,
- կկարողանան մշակել և իրականացնել կայուն զարգացմանը համահունչ ազգային բնապահպանական քաղաքականություն,
- կհիմնավորեն շրջակա միջավայրի պահպանության ոլորտում ազգային գործողությունների առաջնահերթությունները,
- կկարողանան մշակել բնապահպանական և բնօգտագործման նորմատիվ իրավական ակտեր և իրականացնել օրենսդրության պահանջների կատարման վերահսկողության
- կիրականացնեն բնական ռեսուրսների և էկոհամակարգային ծառայությունների և շրջակա միջավայրի հասցված վնասի գնահատում,
- կիրականացնեն ազգային անվտանգության համակարգում էկոլոգիական անվտանգության ուղղությունները,
- կիրականացնեն շրջակա միջավայրի որակի և բնօգտագործման արդյունավետ կառավարում,
- կնպաստեն հասարակության էկոլոգիական գիտակցության բարձրացմանը և էկոլոգիական կրթության սկզբունքների տարածմանը:

Դասընթացները ներառում են շրջակա միջավայրի պահպանության հետևյալ հիմնական ուղղությունները՝ ժամանակակից բնապահպանական տեղեկատվական համակարգեր GIS, շրջակա միջավայրի վրա ազդեցության գնահատման և բնապահպանական փորձաքննական համակարգ, շրջակա միջավայրի քաղաքականության և կառավարման համակարգ, շրջակա միջավայրի օրենսդրական ապահովման համակարգ:

### ***Աշխատանքի հնարավորություններ***

Ծրագրի մագիստրոսները կարող են զբաղեցնել պետական կառավարման մարմինների, ներկայացուցչությունների, փոքր և մեծ կազմակերպությունների մասնագիտացված ստորաբաժանումների ղեկավար պաշտոններ, կարող են աշխատել որպես կենսաբանական և գյուղատնտեսական գիտությունների բնագավառների մասնագետներ, կրթության բնագավառի մասնագետներ, հասարակական և հարակից գիտությունների/ տնտեսագետներ/ բնագավառների մասնագետներ, բնապահպանության և բնօգտագործման ոլորտի փորձագետներ, տեսուչներ և որակի հսկիչներ /անվտանգության և առողջապահության բնագավառի տեսուչներ և որակի հսկիչներ/, բնական գիտությունների և առողջապահության բնագավառների մասնագետներ /գյուղատնտեսության և անտառային տնտեսության խորհրդատուներ/, շրջակա միջավայրի մոնիտորինգի օպերատորներ, մարզային ինքնակառավարման մարմինների փրձագետներ և տեսուչներ, բնակարանային-կոմունալ կազմակերպությունների աշխատողներ: